

DEN AMBIENTE

CU NOS ARTISTANAN



Jân Poets

FORMIDABLE Y EXELENTE SHOW DI CLAUDIUS PHILIPS DEN GOLDEN TULIP HOTEL



Actualmente nos Super Star Claudius Phillips ta causando hopi furor den Fandango night club di Golden Tulip Hotel. Claudius despues di un aña ta back atrobe pa entertain nos bishitantenan y alavez demostra cu Aruba tambe tin artista di hopi nivel. E show ta cuminsa exactamente dies or di mei caminda Claudius ta habri cu e hit di The Coconuts Jamaica, Aruba y despues ta bisa ban mira Aruba musta kico bo por. Claudius a musta di berdad kico Aruba por pasobra den cara di e turistanan por a observa cu nan ta gozando inmensamente di e show. Hopi artistanan grandi ta bin cu nan bailarinanan pa duna nan show mas exito. Pero Claudius solamente acompaña magistralmente pa G.M.T. band a sabi di ricibi aplausonan sin fin. Claudius ta un showman riba su mes, e no ta canta aleha for di su guestnan pero ta "shake hand" cu tur mientras e ta cantando. Sin duda cu e guestnan ta sintinan na cas y por a mira cu algun di nan a asta lanta para pa "shake hand" cu Claudius. tabata tin momentonan humoristico caminda e ta laga algun di e guestnan canta for di su "mike" y si e guest mester pega e mes ta "fluister" e cantica pa nan por sigui canta. Tambe e la tene un contest pa esun cu por a canta e cancion "palomba blanco" cu

voz mas halto, y esun cu gana ta haña dos drinks gratis. Despues e mes ta duna un demostracion con halto y perfecto su voz por bay den e cancion aki, cual e a ricibi masha hopi aplauso. Na final di show tur hende a lanta para y bati man pe pa asina demostra cu nan ta sumamente satisfecho cu su show. Den Ambiente a puntra algun di e turistanan tocante nan comentario

riba e show di Claudius. Hopi a laga sa cu Claudius por duna show den cualkier nightclubnan grandi na Estados Unidos. Increibel pero berdad despues di show un guest ta drenta te den camerin di Claudius pa felecite y pidie si e tin material e.o. video, album of cassette pa asina e por hiba y promove Claudius na New York. Night club manager Roland Arends tambe tabata tin elogio pa

Claudius, pasobra den siman tin biaha nan no ta fullhouse, pero Claudius ta entertain e guestnan manera ta fullhouse e night club ta. Francis Diaz tecnico di luz y sonido a laga sa cu ta The Platters y The Drifters so tabata sa di yena Fandango night club, y e

por compara Claudius den nan categoria. Sin duda Claudius Phillips su show ta vale la pena pa bay waak. E lo ta den Fandango night club pa un luna. Sigur Aruba mester ta orgulloso di dje. Awor a keda pa nos mes bay respalde na Golden Tulip.